

SA CRÈSIA DE SANTU ANTIOGU

Sa crèisia dedicada a Santu Antiogu màrtiri est acapiada a manera strinta a su cunventu de is paras Caputzinus, poita a issus aparteniat. Sa fundatzioni de su cunventu fiat stètia deliberada de s'assemblea de s'Òrdini ca nci fiat stètia a Sòssu in su 1612, a pustis de is acòrdius intercurtus intre is matessis Caputzinus, su marchesu e sa comunidadi de sa Villa de Sorris.



REGIONE AUTONOMA DE SARDIGNA
REGIONE AUTONOMA DELLA SARDEGNA





Non si scit cun tzertesa si sa crèisia de Santu Antiogu siat stètia costruida in manera cuntemporànea a su cunventu, opuru aici, comenti a sustentant unas cantas fontis, si tratit de sa restruturatzioni de una crèisia gai dedicada a su Santu costruita me in is primus annus de su '600. Si scit imbetzes cun tzertesa chi su 13 de su mesi de Idas de su 1629, a sa presèntzia de su sindigu, de su marchesu, de su Babbu provintziali de s'Òrdini e cun su censensu de s'artzipiscamu de Casteddu, fiat stètia pesada e beneita sa gruxi in sa pratza de sa crèisia in fràigu.

Su 28 abrili de su 1630, gràtzias fintzas a is lassas fatas de sa populatzioni de Biddesorris, is traballus fiant stètius portaus a tèrmini.

Su cunventu iat subiu is efetus de su Règiu Decretu de su 7 de argiolas 1866, ch'iat suprimiu is òordinis, is corporatzionis, is cungregatzionis e is cunservadoris religiosus, e iat impostu sa tzèdida de is benis a su demàniu de su stadu.

Me in is localis de s'ex cunventu fiant stètius duncas trasferius su munitziyu, chi ddoi fiat abarau fintzas a su 1934 (annu in cali fiat stètia trasferiu a sa sea noa atuali), e is scolas, chi ddoi funt abarradas fintzas a is annus sessanta. A pustis de su restàuru de su 1967, iat ospidau s'asilu infantili, apustis sa scola materna comunali, "S.Giusepi" (in manera pretzedenti assetiada in sa bia Renzo Cocco), chi ddoi at tentu sea fintzas a su 2002.

Sa crèisia, chi in passau est stètia abandonada e fintzas serrada a su cultu, est stètia de pagu tempus ogetu de importantis restàurus chi nd'ant permitiu sa frunidura a sa comunidadi intrea.



A s'internu suu fuit presentis òperas de grandu balori: su fonti de batiai de su 1743 (chi portat s'iscrizzioni: "HOC OPUS FECIT DOM CUS SPATIUS"); s'altari printzipali in linna, cun unu pintau chi arribat de is sèculos. XVII - XVIII, fonti de batiai rafiguranti duus àngelus in adoratzioni; duus altaris de linna intarsiaus de su sèculo XVII; unu màrmolu bizantinu rafiguranti unu lioni e unu malloru; una pila pro s'àcua santa de su '600; duas grandu telas chi arribant de is sèculos XVII - XVIII, rafigurantis s'una Cristu in gruxi cun sa Madonna, e s'àtera, dotada de una curnisa luxenti in linna tallada, Santu Felici de Cantalice cun Madonna e Pipiu.



Unu terza pintura, rafiguranti Cristu cun unus cantus parus santus a is peis de sa gruxi sua, s'agatad me in sa Sopraintendèntzia a is benis artisticus de Casteddu, est stètia restaurada, e sa torrada sua est previdia a brevi.

Cada annu, sa segunda cida sutzessiva a sa Pasca Manna si tenint is festas in onori de su Santu, màrtiri surcitatu. In passau sa sagra fiat in prus intèndia, in particulari de is abitantis de su rioni, is guuentàius. Su Santu fiat invocau pro fai proi e po permiti su regulari acumprimentu de sa faina agricula, de semper columna portanti de s'economia locali. Fiat allutu unu fogu, su foghilloni de Santu Antiogu, in su spiatzu intre bia Roma, bia Campusantu e bia Brundu, e sa diri sutzessiva medas si acostànt a is restus de su fogu pro podi pigai tzitzonis de tenni in domu comentii a amuletus, in veneratzioni de su Santu.

